

An Bhruiséil, 19 Meán Fómhair 2025
(OR. en)

13027/25

AGRILEG 144
PESTICIDE 16

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	18 Meán Fómhair 2025
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	D(2025) 107990
Ábhar:	RIALACHÁN (AE) .../... ÓN gCOIMISIÚN an XXX lena leasaítear larscríbhinní II agus III a ghabhann le Rialachán (CE) Uimh. 396/2005 ó Pharlaimint na hEorpa agus ón gComhairle a mhéid a bhaineann le huasleibhéil iarmhar le haghaidh aicéacuinicile, clóirmeacuat, meatalacsail-M, pireaclóstróibine, sulfocsaflóir agus trífhlocastróibine i dtáirgí áirithe nó ar tháirgí áirithe (Téacs atá ábhartha maidir le LEE)

Gheobhaidh na toscaireachtaí i gceangal leis seo doiciméad D(2025) 107990.

Faoi iamh.: D(2025) 107990



AN COIMISIÚN
EORPACH

An Bhruiséil, **XXX**
PLAN/2025/785 Rev. 1
(POOL/E4/2025/785/785R1-EN.docx)
D107990/02
[...](2025) **XXX** draft

RIALACHÁN (AE) .../... ÓN gCOIMISIÚN

an **XXX**

**lena leasaítear Iarscríbhinní II agus III a ghabhann le Rialachán (CE) Uimh. 396/2005 ó
Pharlaimint na hEorpa agus ón gComhairle a mhéid a bhaineann le huasleibhéil
iarmhar le haghaidh aicéacuinicile, clóirmeacuat, meatalacsail-M, pireaclóstróibine,
sulfocsaflóir agus trífhlocastróibine i dtáirgí áirithe nó ar tháirgí áirithe**

(Téacs atá ábhartha maidir le LEE)

RIALACHÁN (AE) .../... ÓN gCOIMISIÚN

an **XXX**

lena leasaítear Iarscríbhinní II agus III a ghabhann le Rialachán (CE) Uimh. 396/2005 ó Pharlaimint na hEorpa agus ón gComhairle a mhéid a bhaineann le huasleibhéil iarmhar le haghaidh aicéacuinicile, clóirmeacuat, meatalacsail-M, pireaclóstróibine, sulfocsaflóir agus trífhlocastróibine i dtáirgí áirithe nó ar tháirgí áirithe

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 396/2005 ó Pharlaimint na hEorpa agus ón gComhairle an 23 Feabhra 2005 maidir le huasleibhéil iarmhar lotnaidicídí i mbia agus i mbeatha de bhunadh plandaí nó ainmhíoch nó ar bhia agus ar bheatha den sórt sin agus lena leasaítear Treoir 91/414/CEE ón gComhairle¹, agus go háirithe Airteagal 14(1), pointe (a), de,

De bharr an mhéid seo a leanas:

- (1) I gcás aicéacuinicile, meatalacsail-M, pireaclóstróibine, sulfocsaflóir agus trífhlocastróibine, socraíodh uasleibhéil iarmhar ('MRLanna') in Iarscríbhinn II a ghabhann le Rialachán (CE) Uimh. 396/2005. I gcás na substainte gníomhaí clóirmeacuat, socraíodh MRLanna sealadacha i gCuid A d'Iarscríbhinn III a ghabhann leis an Rialachán sin.
- (2) A mhéid a bhaineann le haicéacuinicil, cuireadh isteach iarratas de bhun Airteagal 6(1) de Rialachán (CE) Uimh. 396/2005 inar iarradh na MRLanna atá ann cheana a mhodhnú le haghaidh sutha talún. A mhéid a bhaineann le clóirmeacuat, cuireadh isteach iarratas den sórt sin le haghaidh coirce. A mhéid a bhaineann le meatalacsail-M, cuireadh isteach iarratas den sórt sin le haghaidh meala agus táirgí beachaireachta eile. A mhéid a bhaineann le pireaclóstróibin, cuireadh isteach iarratas den sórt sin le haghaidh arbhar milis. A mhéid a bhaineann le sulfocsaflór, cuireadh isteach iarratas den sórt sin le haghaidh ocra, ceathrúna uain/sailéid arbhair, searbháin muc, biolair agus eascróga agus péacáin eile, biolair thalún, roicéad Rómhánach/rucola, mustard dearg, barra duilleog óga (lena n-áirítear speicis phraisi), púirsleán, seardas/duilleoga biatais, biolair uisce, costóige, síobhas, peirsile, sáiste, maróis, tíme, basal agus bláthanna inite, duilleoga labhrais agus dragain. A mhéid a bhaineann le trífhlocastróibin, cuireadh isteach iarratas den sórt sin le haghaidh ológa boird, ológa le haghaidh táirgeadh ola, soilirí, bliosáin chruinne, cainneanna, insiltí luibhe ó bhláthanna, insiltí luibhe ó dhuilleoga agus luibheanna agus spíosraí ó shíolta.
- (3) Thairis sin, a mhéid a bhaineann le trífhlocastróibin i ros lín, cuireadh isteach iarratas ar lamháltas allmhairiúcháin ar bhonn úsáid na substainte gníomhaí sin i gCeanada, de bhun Airteagal 6(2) agus (4) de Rialachán (CE) Uimh. 396/2005.
- (4) I gcomhréir le hAirteagail 8 agus 9 de Rialachán (CE) Uimh. 396/2005, rinne na Ballstáit lena mbaineann meastóireacht ar na hiarratais sin uile agus cuireadh na

¹ IO L 70, 16.3.2005, lch. 1, ELI: <http://data.europa.eu/eli/reg/2005/396/oj>.

tuarascálacha meastóireachta ar aghaidh chuig an gCoimisiún. Chuir an Coimisiún na hiarratais, na tuarascálacha meastóireachta, agus na sainchomhaid tacaíochta ar aghaidh chuig an Údarás Eorpach um Shábháilteacht Bia (an ‘tÚdarás’).

- (5) Rinne an tÚdarás measúnú ar na hiarratais agus ar na tuarascálacha meastóireachta, agus rinne sé scrúdú faoi leith ar na rioscaí atá ann do thomhaltóirí agus, i gcás inarb ábhartha, d’ainmhithe, agus thug sé tuairimí réasúnaithe uaidh faoi na MRLanna atá beartaithe². Chuir sé na tuairimí sin ar aghaidh chuig na hiarratasóirí, chuig an gCoimisiún agus chuig na Ballstáit agus chuir sé ar fáil don phobal iad.
- (6) A mhéid a bhaineann leis na hiarratais sin uile, seachas trífhlocastróibin in insiltí luibhe ó bhláthanna agus insiltí luibhe ó dhuilleoga agus luibheanna, tháinig an tÚdarás ar an gconclúid gurbh íomchuí na sonraí chun na moltaí MRL le haghaidh na dtráchtearraí atá faoi mheasúnú a dhíorthú nó a dheimhniú. Is íomchuí, dá bhrí sin, na MRLanna a iarradh a leagan síos le haghaidh aicéacuinicile i sútha talún, clóirmeacuat i gcoirce, meatalacsail-M i mil agus i dtáirgí beachaireachta eile, le haghaidh pireaclóstróibine in arbhar milis, le haghaidh sulfocsaflóir in ogra, ceathrúna uain/sailéid arbhair, searbháin muc, biolair agus eascróga agus péacáin eile, biolair thalún, roicéad Rómhánach/rucola, mustard dearg, barra duilleog óga (lena n-áirítear speicis phraisí), púirsleán, seardas/duilleoga biatais, biolair uisce, costóige, síobhais, peirsil, sáiste, maróis, tíme, basal agus bláthanna inite, duilleoga labhrais agus dragain, le haghaidh trífhlocastróibine in ológa boird, ológa le haghaidh táirgeadh ola, soilirí, bliosáin chruinne, cainneann, ros lín agus spíosraí ó shíolta ag na leibhéil atá molta ag an Údarás.
- (7) A mhéid a bhaineann le trífhlocastróibin in insiltí luibhe ó bhláthanna agus insiltí luibhe ó dhuilleoga agus luibheanna, tháinig an tÚdarás ar an gconclúid nach dócha go mbeidh riosca ann do thomhaltóirí d’ainneoin go meastar nach gcomhlíonann dhá thriail allamuigh iarmhar na critéir neamhspleáchais go hiomlán mar a shainmhínítear sna Treoirilínte Teicniúla³. Ós rud é nach raibh forluí ama idir an dá thriail allamuigh iarmhar lena mbaineann agus go ndearnadh iad ag láithreáin éagsúla, déantar cinneadh bainistithe riosca chun a mheas go bhfuil na trialacha sin neamhspleách. Meastar gurb íomchuí na MRLanna a iarradh le haghaidh trífhlocastróibine in insiltí ó bhláthanna agus in insiltí luibhe ó dhuilleoga agus luibheanna a leagan síos ag an leibhéal a mholann an tÚdarás.
- (8) Dá bhrí sin, ba cheart Rialachán (CE) Uimh. 396/2005 a leasú dá réir sin.

² EFSA, Modhnú a dhéanamh ar an uasleibhéal iarmhar atá ann cheana le haghaidh aicéacuinicile i sútha talún. *EFSA Journal* [Iris EFSA], 2025;23(1): e9207, <https://doi.org/10.2903/j.efsa.2025.9207>;
Modhnú a dhéanamh ar an uasleibhéal iarmhar atá ann cheana le haghaidh clóirmeacuat i gcoirce. *EFSA Journal* [Iris EFSA] 2025;23(4): e9385, <https://doi.org/10.2903/j.efsa.2025.9385>;
Modhnú a dhéanamh ar an uasleibhéal iarmhar atá ann cheana le haghaidh meatalacsail-M i mil. *EFSA Journal* [Iris EFSA] 2025;23(3): e9296, <https://doi.org/10.2903/j.efsa.2025.9296>;
Athbhreithniú piaraí ar an measúnú riosca lotnaidicíd ar an tsubstaint ghníomhach pireaclóstróibin. *EFSA Journal* [Iris EFSA] 2025;23(3): e9257, <https://doi.org/10.2903/j.efsa.2025.9257>;
Modhnú a dhéanamh ar an uasleibhéal iarmhar atá ann cheana le haghaidh sulfocsaflóir i dtráchtearraí éagsúla. *EFSA Journal* [Iris EFSA] 2023;21(12): e8481, <https://doi.org/10.2903/j.efsa.2023.8481>;
Modhnú a dhéanamh ar na huasleibhéil iarmhar atá ann cheana agus lámháiltais allmhairiúcháin a shocrú le haghaidh trífhlocastróibine i mbarra éagsúla. *EFSA Journal* [Iris EFSA] 2025;23(4): e9387, <https://doi.org/10.2903/j.efsa.2025.9387>.

³ An Coimisiún Eorpach, 2020. Treoirilínte teicniúla maidir le ceanglais sonraí chun uasleibhéil iarmhar a shocrú, inchomparáideacht trialacha iarmhar agus eachtarshuíomh sonraí faoi iarmhair i ndáil le táirgí de thionscnamh plandaí agus ainmhióch. SANTE/2019/12752, an 23 Samhain 2020.

(9) Tá na bearta dá bhforáiltear sa Rialachán seo i gcomhréir leis an tuairim ón mBuainchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

Leasaítear Iarscríbhinní II agus III a ghabhann le Rialachán (CE) Uimh. 396/2005 i gcomhréir leis an Iarscríbhinn a ghabhann leis an Rialachán seo.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann an Choimisiúin
An tUachtarán
Ursula VON DER LEYEN